

Cartas nordic



Un serie de photos de locationes in le pais nordic

– e lor historia narrate in alcun lineas in interlingua como inspiration.



■ **Allinge, Danmark:** 3.500 annos de etate ha le imagines sculpite in le grande roccas. Illos es situate a Madsebakke in Allinge sur le insula danese Bornholm e es considerate un del areas nordic le plus importante quanto a petroglyphos, como se appella tal imagines. Le imagines ha essite retraciate per color rubie a fin que on los vide plus clarmente. In total, il ha 14 petroglyphos con naves, le medio de transporte le plus importante in le etate de bronzo (1.700-500 a.Chr.). Ma il ha anque imagines de tracias de pedes, circulos e un cruce solar. Madsebakke esseva secundo le archeologos un ancian loco sancte durante millennios. *Texto e photo: Thomas Breinstrup*

Interlingua – communication sin frontieras
www.interlingua.dk | www.interlingua.com

© 2022

Questiones

1. Describe que es un petroglypho.

2. Ubi pote on trovar petroglyphos?

3. Que ha on facite pro assecurar que le gente vide hodie le imagines?

4. Quante annos ha le petroglyphos in Allinge, e como se appella iste periodo del historia?

5. Esque tote le petroglyphos depinge naves?
